



Broj: KSI-09-218/26

Datum: 27.03.2026. godine

Na osnovu člana 25. tačka g) Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“ broj: 04/21) i člana 25. stav (2) Poslovnika o radu Komisije za odlučivanje o sukobu interesa, postupajući po anonimnoj prijavi od 17.03.2026. godine, protiv L.LJ. član Vijeća nacionalnih manjina Brčko distrikta Bosne i Hercegovine, radi utvrđivanja sukoba interesa, Komisija za odlučivanje o sukobu interesa, na 147. sjednici održanoj dana 27.03.2026. godine, donosi

ODLUKU

Postupak za odlučivanje o sukobu interesa protiv L.LJ., nosioca javne funkcije, član Vijeća nacionalnih manjina Brčko distrikta Bosne i Hercegovine, neće se pokrenuti, obzirom da iz dokumentacije i radnji ne proizilazi da je u postupanju nosioca javne funkcije došlo do povrede odredaba Zakona o sprečavanju sukoba interesa u institucijama Brčko distrikta Bosne i Hercegovine, odnosno postojanja sukoba interesa.

Образложење

Dana 17.03.2026. godine Komisija za odlučivanje o sukobu interesa zaprimila je dopunu anonimne prijave protiv L.LJ. iz Brčkog, ulica [REDACTED], koja je obavljala javnu funkciju, do 21.05.2025. godine kao član Vijeća nacionalnih manjina Brčko distrikta Bosne i Hercegovine. U prijavi se između ostalog, navodi postojanje osnova sumnje na zloupotrebu službenog položaja, sukoba interesa i korupcije u Fondu zdravstvenog osiguranja Brčko distrikt BiH. Nadalje navodi da šefica službe za zdravstvenu zaštitu u Fondu zdravstvenog osiguranja Brčko distrikt BiH formalno pregovara i priprema ugovore sa kliničkim centrima, utvrđuje cijene zdravstvenih usluga čime direktno utiče na finansijske odredbe ugovora. Iskoristila je svoj službeni položaj da dogovori angažman ljekara iz kliničkih centara i bolnica sa kojima Fond zdravstvenog osiguranja Brčko distrikt BiH ima potpisane ugovore kako bi obavljali zdravstvene usluge u privatnoj zdravstvenoj ustanovi Pro vita medika koje je vlasništvo M.R. inače kuma šefice službe za zdravstvenu zaštitu u Fondu zdravstvenog osiguranja Brčko distrikt BiH. Napominje da šefica službe ima potpisan ugovor o zakupu poslovnog prostora, i da je isti iznajmila svom kumu M.R. u kojem posluje privatna zdravstvena ustanova Pro vita medika. Ukupan promet kumove ustanove preko Fonda, u poslednjih nekoliko godina premašuje iznos od 1.000.000,00 KM (milion KM). Način na koji pacijenti odlaze u privatne zdravstvene ustanove u Brčkom je bio u službi šefice što pokazuje sistemsku zloupotrebu službenog položaja i sukob interesa. Postoje indicije i da sama šefica obavlja poslove za ovu ustanovu kod knjigovođe i poslovne banke na način polaganja pazara i slično, a što ukazuje na mogućnost manipulacije finansijskim tokovima i prikrivanju stvarne dobiti, dok se dopunom prijave navodi da je prema Rješenju o upisu u sudski registar vidljivo da L.LJ. zastupa PZU - SC „PROVITA MEDICA“ u predmetu upisa u sudski registar što dokazuje njenu povezanost, korupciju i sukob interesa. U prilogu je dostavljena kopija Rješenja o

upisu u sudski registar PZU - SC „PROVITA MEDICA“ , broj: D-2431/02 od 24.01.2003. godine, iz kojeg je jasno vidljivo da je L.LJ. navedena kao zastupnik istog.

Uvidom u dokumentaciju koju posjeduje Komisija utvrđeno je da je L.LJ. obavljala javnu funkciju do 21.05.2025. godine, na osnovu Odluke Skupštine Brčko distrikta Bosne i Hercegovine o imenovanju Vijeća nacionalnih manjina Brčko distrikta Bosne i Hercegovine, broj: 01-02-1450/22 od 06.04.2022. godine, kao član Vijeća nacionalnih manjina Brčko distrikta Bosne i Hercegovine.

Članom 2. tačkom b) propisano je da „javna funkcija“ funkcija izabranog ili imenovanog lica u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnog ovlaštenja i lica koje je imenovano, odnosno na čiji izbor ili imenovanje saglasnost daje Skupština Brčko distrikta Bosne i Hercegovine (u daljnjem tekstu: Skupština), odnosno Vlada Brčko distrikta Bosne i Hercegovine (u daljnjem tekstu: Vlada), ukoliko drugim zakonom nije drugačije propisano. Tačkom c) navedenog člana Zakona propisano je da je „nosilac javne funkcije“ izabrano ili imenovano lice u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnih ovlaštenja i lica koje je imenovano, odnosno na čiji izbor i imenovanje saglasnost daje Skupština, odnosno Vlada, ukoliko drugim zakonom nije drugačije propisano.

Članom 2. tačka e) propisano je da „povezano lice“ je član uže porodice, srodnik u pravoj liniji, srodnik u pobočnoj liniji do trećeg stepena, srodnik po tazbini do drugog stepena, dijete bračnog druga ili bilo koje pravno ili fizičko lice koje je s nosiocem javne funkcije u ličnoj, političkoj, ekonomskoj ili drugoj vezi koja utiče ili bi mogla uticati na objektivnost i nepristrasnost u radu nosioca javne funkcije, dok je istim članom tačka f) propisano da je „član uže porodice“ bračni i vanbračni drug, usvojitelj, usvojenik, dijete, majka i otac nosioca javne funkcije, odnosno lice prema kome nosilac javne funkcije ima zakonsku obavezu izdržavanja.

Obzirom da se dopuna prijave o mogućem postojanju sukoba interesa odnosi na zastupanje imenovane u postupku preregistracije preduzeća PZU SC „PROVITA MEDICA“, a u cilju provjere navoda iz iste, Komisija je po službenoj dužnosti pokrenula postupak provjere informacija i uputila dopis Osnovnom sudu – Registar preduzeća Brčko distrikta Bosne i Hercegovine u kojem traži dostavu podataka da li se L.LJ. pojavljivala kao zastupnik, punomoćnik i potpisnik bilo kojeg akta PZU SC „PROVITA MEDICA“, u periodu od 10.04.2021. godine do danas, te ukoliko jeste da dostave dokaze o tome.

Po ostalim navodima iz prijave Komisija je već provodila postupak i obraćala se zahtjevima za dostavu podataka: Odjeljenju za javni registar, Pododjeljenje za matičnu evidenciju Brčko, Agenciji za posredničke, informatičke i finansijske usluge Banja Luka, Bosna Banka International d.d. Sarajevo, Direkciji za finansije, Poreska uprava Brčko distrikt Bosne i Hercegovine, Direkciji za finansije, Trezor Brčko distrikt Bosne i Hercegovine, Fondu zdravstvenog osiguranja Brčko distrikt Bosne i Hercegovine.

Osnovni sud – Registar preduzeća Brčko distrikta BiH je dopisom broj: 096-0-RegZ-26-001283 od 23.03.2026. godine dostavio podatak da se L.Lj. nije pojavljivala kao zastupnik, punomoćnik i potpisnik niti jednog akta PZU SC „PROVITA MEDICA“, u periodu od 10.04.2021. godine do danas.

Iz svih dostavljenih odgovora na Zahtjeve Komisija za odlučivanje o sukobu interesa osim zaključenog ugovora o zakupu između L.LJ. i M.R., vlasnika PZU-SC „PRO VITA MEDICA“ Brčko, iz sakupljene dokumentacije nije uspjela utvrditi bilo koje druge dodirne tačke između L.LJ. i PZU-SC „PRO VITA MEDICA“ te nije iz priloženih akata utvrdila povredu odredaba Zakona.

Komisija je postupila u okviru svojih nadležnosti i nije stoga ulazila u segmente iz prijave koji su iz nadležnosti drugih nadležnih organa.

Kako u provedenom postupku nisu utvrđeni elementi kršenja zakonskih odredbi, Komisija cijeni da ne postoje zakonski osnovi za dalje vođenje postupka, te je odlučeno kao u dispozitivu ovog Zaključka.

Pouka o pravnom lijeku:

Protiv ove Odluke nije dozvoljena žalba, ali se može pokrenuti upravni spor pred Osnovnim sudom Brčko distrikta Bosne i Hercegovine u roku od 30 dana od dana prijema ove Odluke.

Predsjednik
Komisije za odlučivanje o sukobu interesa

Admira Mujić, dipl. pravnik